

pendere sinunt. Caput ipsum in æstate reticulo ex rubri coloris contexto, argentoque deornato redimunt. Hyeme autem capitium ex panno viridi induunt, quo totum caput adeo cooperiunt, ut oculos tantum adspiciendos præbeant: *Hatte* vocant hoc genus vestimenti. Palla sive vestis exterior, quæ a capite ad talos usque plurimis minutisque plicis striata est, argenteis deauratisque laminis tam frequentibus undecunque rigescit, ut exuta, etiam erecta consistat. Hæc constat ex rubro, interdum etiam ex viridis coloris panno.

Comitatus Oldenburgensis.

Hæc de Comitatu Embdano: succedit *Oldenburgensis*. Comitatus *Oldenburgensis* impositum nomen ab *Regio & unde dicta.*
 Urbe primaria Oldenburgo. Hunc tractum olim Chauci minores incoluerunt sicut & Comitatum Embdano, ut supra diximus. Comitum autem Oldenburgensium ditio quam etiam hæc Tabula ob oculos ponit, ab Ortu ad Visurgis ripam, Provincias Stegingiam (e regione Bremæ arcis Delmenhorstæ subiecta) *Situs.*
 Stadelandiam in quinque, Butriadiam in septem Parochias tributam, & huic subiectam Ieveriam, Frisiæ partem, *Imperium majorem.*
 xxxiii parochiis insignem complectitur: ad Occasum Amerlangiam ad Amisiam fluvium porrectam, in medio Morinos habet. Ad Boream Frisia & Oceano: ad Meridiem diœcesi Monasteriensi terminatur. Albertus Crantzius in sua Metropoli 3 cap. 15 scribit hunc Comitatum esse ex omnium vetustissimis: *Urbs.*
 enim Saxoniarum Ducem (qui vixit Caroli Magni tempore) inter hujus Comites nominat, lib. 11 cap. xxx. Irenicus tradit urbem *Oldenburgum*, a Carolo instauratam, Ecclesiamque illic in honorem S. Joannis Baptistæ dedicatam consecratamque ab Adalgargo Episcopo. In eo autem ipsum errare puto cum Ortelio, quod hanc civitatem inter Wandalicas numerat, juxtaque mare eam describat. Hæc namque alia est ab illa in Wagria nempe, Holfatiæ regione. Hanc Wandali *Stargard*, Dani *Brannesiæ*, quique pro suæ linguæ proprietate vocaverunt, ut idem Crantzius asserit. Laurentius Michaëlis putat *Ambrones* (quos quondam cum Cimbris in Italiam profectos, & a C. Mario caesos, tradit Plutarchus) hinc originem habuisse, eorumque nomen adhuc exstare apud Gentem quam *Amerlander* appellant. Idem de Alanis Saxonibus sentit, quos ad stagnum Alanum, in hoc tractu, & ab utraque parte fluminis Alanæ usque ad arcem Oriam habitasse credit, hodieque *Lengener* id est *Alani*: & *Averlenger* quasi *Ultralanos* vocari. Arx *Delmenhorst* ad rivum *Delme* anno c10 ccxlvii exstructa cum lxx annos in Episcopi Monasteriensis potestate fuisset, ab Antonio Comite Oldenburgensi, die Palmarum anno c10 dxxlvii tacita militum manu, summo mane superato aggere expugnata & occupata est, & Præfectus arcis Hermannus ab *Oer* in custodia servatus. De Comitibus hujus regionis quædam habet Andreas Hoppenrodus, in suo stemmatum libro. Sed optime de ea David Chytræus in sua Saxonica historia. Libet autem de Chaucorum moribus pauca hic Coronidis loco addere. Gravissimus Scriptor Tacitus ita *Mores Chaucorum.*
 de his scribit: *Populus inter Germanos nobilissimus, quique magnitudinem suam malit justitia tueri. Sine cupiditate, sine rum.*
impotentia, quieti, secretique, nulla provocant bella, nullis raptibus aut latrocinii populantur. Idque præcipuum virtutis argumentum est, quod superiores agant, non per injurias adsequuntur. Prompta tamen omnibus arma, & si res poscat, exercitus, plurimum virorum equorumque, & quiescentibus eadem fama.